



Ex-ducere

Ye una de as dos acepcions que etimolochicament tiene a parola educación:

- *Sacar, guidar de dentro ta fuera*
- *Sentiu de "creiximiento"*
- *Identificada con a escuela nueva:*
 - *corte activo*
 - *basada en l'activitat, libertat y espontaneidat*

O Excmo. Concello de Zaragoza fa clamadura ta o Seiseno **Premio Exducere 2017** d'actuacions educativas. Destinau a sinyalar Centros Educativos, entidatz y institucions, u docents, que pueden presentar-sen debant d'a ciudadanía como un modelo de buen fer en o ambito educativo. Ista convocatoria s'achustará a las siguients:

BASES DE O CONCURSO

1. Podrán participar-ie totz os miembros de a comunidat escolar: centros educativos individualment u achuntaus, profesorau, asociacions de mais y pais d'escolanos/as, que tiengan a suya aria d'actuación en a ciudat de Zaragoza. Tamién podrán presentar-ie candidatura as entidatz legalment estatuecidas que fayan quefers educativos en a ciudat, como asociacions u fundacions, contribuyendo asina a o refirme de as valores de Zaragoza como Ciudad Educadera.
2. Cada concursant podrá presentar propuestas que se vaigan desembolicando mientras o curso 2016/2017 y que se'n puedan documentar de traza presencial u bien aportando documentación grafica u informatica de o suyo enchegamiento y desembolique. Tamién podrá proponer-se-ie a bell docent que se pueda considerar un modelo de buen fer pedagogico–didactico en a suya trachectoria profesional.

3. L'objectivo cheneral de o premio ye dar a conoixer a la opinión publica as experiencias pedagogicas y didacticas que se'n fan en a ciudat de Zaragoza con a fin que sirvan de refirme ta funir un proceso educativo en a sociedad zaragozana y adhiba una aportación reyal a o prochetto educativo de a ciudat.
4. A presentación ta o **Premio Exducere 2017** podrá fer-se en qualsequiera de as tres luengas aragonesas: castellano, aragonés y catalán. Os candidatos disponen de a documentación relativa a o premio en istas tres luengas.
5. D'actuacions educativas s'entenderán ixas intervencions pedagogicas u didacticas que se fayan dende centros, entidatz y institucions educativas enradigadas en Zaragoza y que, bien de traza individual u colectivamente, sigan un aporte positivo en a fayena de a educación, permitindo encetar intercambio d'experiencias y afundar en o estudio de l'acción educativa en a ciudat con a fin de plegar enta una "Zaragoza Sostenible, Ubierta y Plural", solidaria, creyativa y cusiradera de o suyo entorno, características sinyaleras de a indentidat de Zaragoza como ciudat educadera.
6. Toda candidatura a o **Premio Exducere 2017** deberá presentar-se mediant a correspondient solicitud de participación **dica o viernes 21 d'abril de 2017**, por escrito, a través de o propio formulario. O Servicio d'Educación, mientras os días 27 y 28 d'abril confirmará l'admisión de a candidatura ta participar en o concurso. En o documento adchunto ta istas bases figura o documento Candidatura ta o Premio Exducere 2017 que se deberá replenar en totalidat.
7. Os participants podrán estar fotografiaus y/u gravaus mientras o desembolique de as actividatz. Ye por ixo que ixa candidatura que no quiera que os suyos integrants amaneixcan en a información visual furnida por o Concello (fotografías, videos, emisión audiovisual, etc), tendrá que fer-lo constar de manera expresa en o inte de a presentación de a solicitud.
8. O plazo de presentación de memorias definitivas u enampladura de a documentación presentada en as candidaturas **rematará o 26 de mayo de 2017 a las 15:00 horas**. A presentación podrá fer-se por correu electronico a educacionpatrimonio@zaragoza.es, por correu postal u personalment en o Servicio d'Educación, C/ Miguel Servet, 57 (Antigo Matadero), Zaragoza 50013 (tfno 976 724 000), en horario de 8 a 15 horas. En o caso de as candidaturas que se ninvien por correu electronico, dende o Servicio d'Educación, se confirmará a recepción de a memoria. En as memorias presentadas por correu postal u personalment o Servicio d'Educación ferá un recibo con a data y hora de dentrada de l'orichinal.
9. O fallo de o churau se ferá publico o **chueves 15 de chunio de 2017** a través de a pachina web municipal www.zaragoza.es, comunicando también por correu electronico o resultau ta todas as candidaturas presentadas.
10. L'acto d'entrega de o **Premio Exducere 2017** se ferá en desarrollo de os actos que se programen o día **30 de noviembre de 2017, Día Internacional de a Ciudat Educadera**.

11. O premio consistirá en diploma y trofeu acreditativos, incluir l'activitat (si en ye viable) en o programa d'actividatz educativas 2017/2018 de o Servicio d'Educación, estando como referent enta otros centros educativos y a entrega de material educativo, por importe de 500 euros.
12. D'o Churau en ferán parti:
 - A Concellera d'Educación y Inclusión u persona en qui delegue.
 - O Chefe de Servicio d'Educación de o Concello de Zaragoza.
 - Un miembro d'Ebroplis.
 - Un miembro de o Consello Escolar Municipal.
 - A dirección de o centro educativo que obtenió o Premio Exducere de a edición anterior.
 - A secretaría de o Churau, con dreito a voz que no a voto, qui estará un treballador/era municipal de o Servicio d'Educación.
13. O churau parará cuenta de os siguients criterios de valoración ta cada una de as propuestas i presentadas:
 - Que propose milloramientos importants en l'aria educativa.
 - Que afecte igual a actividatz contempladas en o curriculum escolar millorando-las u enamplando-las, como a otras incorporadas a lo curriculum en o suyo proyecto curricular de centro.
 - Que contribuya a desfer os esteriotipos de chenero y estatuezca espacios d'igualdat, acceso y oportunidatz entre hombres y mullers.
 - Que planteyen innovacions pedagogicas.
 - Que sigan actuaciones sostenibles y autofinanciables.
 - Que contribuya a la estratechia de Zaragoza como Ciudad Educadera igual como la formación de ciudadans activos.
 - Que puedan estar practicas modelo ta otros centros educativos.
14. A propuesta de fallo estará decidida por o churau, con a mas gran parti de os votos de os suyos miembros presents. O fallo de o churau estará inapelable.
15. O Churau podrá resolver qualsequier situación no contemplada en istas bases, igual como ixas dudas que puedan planteyar-se en a suya interpretación, podendo declarar o premio vueito.
16. Ta toda enampladura d'información podetz acudir ta: web municipal de o Concello de Zaragoza www.zaragoza.es u tamién ta educacionpatrimonio@zaragoza.es. U en o Servicio d'Educación tfno. 976 724 000
17. A participación en o present concurso suposa l'aceptación de o replegau en istas bases. O churau podrá comprobar a verdat de os meritos alegaus.
18. O documento **Candidatura ta o Premio Exducere 2017** deberá replenar-se en totalidat ta estar admitiu a tramite a suya solicitud. Entre os días 27 y 28 d'abril de 2016, o Servicio d'Educación confirmará l'admisión de a candidatura.

PRESENTACIÓN DE A CANDIDATURA TA O PREMIO EXDUCERE 2017

Apellius y nombre de a persona que presenta a candidatura	
DNI	
Relación profesional/personal con l'actuación que i presento	
Correu electronic de a persona que presenta a candidatura	
Centro educativo u actuación educativa	
Correu electronic de o Centro	

- 1. PRESENTO a candidatura ta la millor actuación educativa mientras o curso 2016/2017, con o titulo:**

--

- 2. O plazo de presentación de a candidatura remata o 21 d'abril de 2017 a las 15:00 horas.** A presentación podrá fer-se por correu electronic a educacionpatrimonio@zaragoza.es, por correu postal u personalment en o Servicio d'Educación, C/ Miguel Servet, 57 (Antigo Matadero), Zaragoza 50013 (tfno 976 724 000), en horario de 8 a 15 horas. . En qualsequier de os causos o Servicio d'Educación remitirá de o 27 a 28 de abril por correu electronic o recibo de l'admisión de a candidatura.
- 3. Como presentador d'ista candidatura foi marcache de os tres criterios que me pareixen mas sinyaleros de a lista d'asti baixo escrita, y que son ixos sobre os que o churau debería fer mas ficacio en valurar a mia candidatura:**

	A candidatura proposa milloramientos importants en l'aria educativa.
	A candidatura afecta igual a actividatz contempladas en o curriculum escolar millorando-las u enamplando-las, como a atras incorporadas a lo curriculum en o suyo proyecto curricular de centro.
	A candidatura contribui a desfer os esteriotipos de chenero y estatuece espacios d'igualdat, acceso y oportunitatz entre hombres y mullers.
	A candidatura plantea innovacions pedagogicas.
	A candidatura presenta actuaciones sostenibles y autofinanciables.
	A candidatura contribui a la estratechia de Zaragoza como Ciudad Educadera igual como la formación de ciudadans activos.
	A candidatura puede estar practica modelo ta otros centros educativos.

4. Como persona que presento esta candidatura a os premios

APORTO ADCHUNTO:

- Fotocopia de DNI
- Resumen de o proxecto (no mas de 5 fuellos) que premita avaluar ixas actuacións que adhiben una clara millora educativa.
- Vista a base 17 **tiengo conoiximiento que o plazo de presentación de memorias definitivas u enampladura de a documentación** agora i presentada **rematará o día 26 de mayo de 2017, a las 15 horas**, sin que se pueda apolargar. Y que a presentación podrá fer-la por correu electronico a educacionpatrimonio@zaragoza.es, por correu postal u personalment en o Servicio d'Educación, C/ Miguel Servet, 57 (Antigo Matadero), Zaragoza 50013 (tfno 976 724 000), en horario de 8 a 15 horas.

I.C. de Zaragoza, a _____ de _____ de 2017
O/A presentador/a de a candidatura

Sinyau Sr./Sra.

DNI nº _____